

- 144 5. Til þess að standast stúdentspróf í áföngum, skal nemandinn hafa hlotið fyrstu  
5. des. einkunn að meðaltali.
6. Nú lýkur nemandinn ekki stúdentsprófi í öllum greinum, og á hann þá rétt á að fá vottorð, er sýni einkunnir í þeim greinum, sem hann hefur lokið prófi í.
7. Að öðru leyti fer um próf þetta eftir sömu reglum og gilda um stúdentspróf utan-skólanemenda.

Þetta tilkynnist yður hér með.

## REGLUGERÐ

- 145 um einkennibúninga héraðsdómara, hreppstjóra, tollgæzlumanna og bifreiða-  
11. okt. eftirlitsmanna og sérstakra löggæzlumanna.

### I. KAFLI

#### Um gerð starfsbúninga.

A. Einkennibúningar þessara embættis- og starfsmanna við dagleg störf þeirra skulu vera að gerð og sniði sem hér segir, nema þar sem reglur þessar mæla sérstaklega fyrir á annan veg:

1. Húfa úr þykku klæðisefni með 5 cm breiðri uppstandandi gjörð, 5 cm breiðri reisu, kringlóttum, breiðum, flötum kalli, gljáleðursskyggni og hökuól, er fest sé á gjörðina með tveim litlum einkennishnöppum.
2. Jakki úr kamgarns- eða klæðisefni, tvíhnepptur með venjulegum kraga, tveim hliðarvösum og einum brjóstvasa. Á jakkanum skulu vera tvær raðir stórra, gylltra einkennishnappa, fjórir í hvorri röð og skal jakkinn hnepptur á þrjá þeirra. Á ermum skulu vera minni einkennishnappar, þrjár á hvorri.
3. Vesti úr sama efni með fjórum vösum, hneppt með einfaldri röð hinna minni einkennishnappa (6—7 að tölu).
4. Buxur úr sama efni, síðar, án uppbrota, með fjórum vösum.
5. Frakki úr frakkaklæði, tvíhnepptur, síður á miðjan legg með tveim vösum, venjulegum kraga, og séu hornin þannig gerð að hneppa megi frakkanum upp í háls. Að framan skal vera tvöföld röð stórra, gylltra einkennishnappa, fimm í hvorri röð, hinn efsti undir kragahorni. Á baki skulu vera tvær fellingar teknar saman með spæl, og á spælnum tveir stórir einkennishnappar. Í klauf að aftan skulu vera þrjár litlir einkennishnappar. Á ermum skulu vera litlir einkennishnappar, þrjár á hvorri.

Einkennibúningar þessir skulu vera dökkbláir, nema búningar bifreiðaeftirlitsmanna og sérstakra löggæzlumanna, er skulu vera brúnir (khakilitaðir).


B. Einkennibúningar hinna einstöku embættis- og starfsmanna skulu vera með þessum sérstöku einkennum og afbrigðum:

1. Sýslumenn, bæjarfógetar og hliðstæðir embættismenn í Reykjavík:
  - a. Hnappar.  
Gylltir með skjaldarmerki Íslands.
  - b. Húfa.


Reisu húfunnar skal vera 6.5 cm og skal kollinum halla aftur og til hliða. Á gjörð skal vera 4 cm breiður gylltur borði og á honum að framan ofið hringmerki (kokarde) í íslenskum fánalítum. Á reisu að framan skal vera skjaldarmerki Íslands 4 cm hátt, útsaumað í réttum litum á hringmynduðum grunni úr bláu klæði 5 cm í þvermál, bryddum með mjórri gylltri snúru.



Hnappar sýslumanna.  
Stærðir: 2,4 cm  
og 1,6 cm.



Húfumerki sýslumanna.  
Stærð: 6 cm.



Merki  
í kragahorn sýslumanna.



Húfumerki hreppstjóra  
og bifreiðaeftirlitsmanna.  
Stærðir: Hreppstjóra 3 cm,  
bifreiðaeftirlitsmanna 4 cm.



Hnappar tollvarða.  
Stærðir: 2,4 cm og 1,6 cm.



Húfumerki tollvarða.

## c. Jakki.

Í kragahornum skal vera útsaumað merki þannig gert:

Gylltur munstraður hringur og er hluta af sverðsblaði með hjöltum stungið niður í hringinn. Merkið skal vera 3.5 cm á hæð, breidd hjaltanna 3 cm, en hringurinn 2.5 cm í þvermál.

## d. Buxur.

Auk síðbuxna skulu fylgja reiðbuxur úr sama efni, aðskornar um hné og skálmvíðar.

## e. Frakki.

Á honum skulu vera speldi á hliðarsaumum og snúa aftur með 3 stórum einkennishnöppum á hvoru. Vasar skulu vera tveir skásettir með þrem litlum einkennishnöppum á jöðrum að framan.

Fulltrúar embættismanna þessara og lögreglustjórar utan Reykjavíkur skulu bera einkennisbúning svo sem lýst er að framan, en þó eigi merkið í horni jakkans. Þó skal gylltur borði í húfum þeirra vera 2½ cm breiður.

Ákvæði þessara reglna taka ekki til lögreglustjórans í Reykjavík, að því er gerð einkennisbúnings hans snertir.

## 2. Hreppstjórar:

## a. Hnappar.

Gylltir með lögreglumerkinu hönd og auga.

## b. Húfa.

Á gjörð skal vera tvöfaldur gylltur borði, 1 cm breiðum, með mjórri grænni snúru á milli. Á reisu að framan skal vera skjaldarmerki Íslands, úr málm, gyllt, 3 cm á hæð.

## c. Frakki.

Eigi er ætlast til að hreppstjórar beri einkennisbúinn frakka.

## 3. Tollverðir:

## a. Hnappar.

Gylltir með bókstafnum T á, en yfir legg stafsins er skjöldurinn úr skjaldarmerki Íslands.

## b. Húfa.

Á gjörð skal vera gylltur borði, 13 mm breiður, og á honum að framan ofið hringmerki (kokarde) í íslenskum fánalítum. Á reisu að framan og niður á gjörðina skal vera á 5 cm háum skjaldlaga grunni úr bláu klæði merki þannig gert: Bókstafurinn T, 4 cm hár og skjaldarmerki Íslands 2.5 cm hátt, fellt yfir legg stafsins, allt úr gylltum málm. Ákveða má, að á húfunni sé hvítur kollur að sumarlagi.

## c. Frakki.

Auk venjulegs einkennisfrakka skal nota ryk- eða regnfrakka, dökkbláan með belti, án einkennismerkja.

Yfirtollverðir skulu nota einkennisbúning þannig, sem að framan er lýst, þó með þeirri breytingu, að borði á húfu sé 2.5 cm á breidd.

## 4. Bifreiðaeftirlitsmenn og sérstakir löggæzlumenn.

## a. Hnappar.

Gylltir með lögreglumerkinu hönd og auga.

## b. Húfa.

Á gjörð skal vera dökkbrúnn borði úr upphleyptu efni 4 cm breiður. Framan á borðanum og upp á reisinna skal vera á grunni úr dökkbrúnu klæði skjaldarmerki Íslands úr málm, gyllt, 4 cm á hæð.

145  
11. okt.

c. Buxur.

Auk síðbuxna skulu fylgja reiðbuxur úr sama efni, aðskornar um hné og skálmvíðar.

d. Frakki.

Auk venjulegs einkennisfrakka skal nota ryk- eða regnfrakka, brúnan með beltí án einkennismerkja.

## II. KAFLI

### Um gerð viðhafnarbúninga.

Sýslumenn, bæjarfógetar og hliðstæðir embættismenn í Reykjavík mega bera viðhafnareinkennisbúning, sem er að gerð eins og hinn venjulegi starfsbúningur þeirra, en með þessum sérstöku einkennum og afbrigðum:

a. Efni: Svarblátt klæði.

b. Á öxlum jakkans skal vera axlafetill, fléttaður úr gylltum borða upphleyptum, þverbryddur að ofan og framan og ganga borðaendarnir felldir undan fremri bryddingunni. Fetillinn skal vera ca 3 cm breiður að ofan og tvöfalt breiðari að framan. Fetillinn skal festur á jakkaöxlina með litlum einkennishnapp að ofan, en stórum að framan, og séu hnapparnir rétt innan við þverbryddingarnar.

Á ermum jakkans skal vera gylltur slönguhringur og liggja slönguhausarnir útsaumaðir á víxl ofan á erminni ca 2 cm breiðir, en tengdir saman með snúru, er vefst um ermina.

c. Á hliðarsaumum á buxum skulu vera 2 cm breiðir, gylltir borðar.

## III. KAFLI

### Um notkun einkennisbúninganna.

A. Sýslumenn, bæjarfógetar og hliðstæðir embættismenn í Reykjavík, svo og fulltrúar þeirra og lögreglustjórar utan Reykjavíkur skulu að jafnaði, ef sérstakar ástæður mæla því eigi í gegn, bera einkennisbúning, er þeir eru á þingferðum eða öðrum embættisferðum um lögsagnarumdæmi sín. Enn fremur er þeir vinna að eftirtöldum störfum:

1. Fógetagerðum utan embættisskrifstofu.
2. Uppboðum utan skrifstofunnar.
3. Lögreglustjórn og lögreglustörfum á almannafæri, svo og húsrannsóknnum.
4. Tollstjórn og tollafgreiðslu um borð í skipum eða við skip, einkum ef um erlend skip er að ræða eða meiri háttar störf.
5. Hjónavígslum.
6. Sýslufundarstjórn.
7. Yfirkjörfundarstjórn í heyranda hljóði.

Viðeigandi er að embættismenn þessir beri einkennisbúning, er þeir starfa að meiri háttar rannsóknnum opinberra mála.

Viðhafnarbúning mega sýslumenn, bæjarfógetar og hliðstæðir embættismenn í Reykjavík bera við opinberar móttökur og önnur sérstök hátíðleg tækifæri.

B. Hreppstjórum öllum skal heimilt að bera einkennishúfu. Hreppstjórar í kaupúnum, sérstaklega þeir, sem hafa á hendi afgreiðslu erlendra skipa, skulu bera einkennisbúning við störf sín eftir því, sem dómsmálaráðuneytið ákveður, að fengnum tillögum viðkomandi sýslumanns.

C. Tollverðir skulu bera einkennisbúning, er þeir eru að tollgæzlustörfum, nema annað sé fyrir þá lagt af yfirmanni þeirra.